

## Барча баву

Бисмиллагъи р-рахимани р-рахим



Ххирасса уссурвал ва ссурвал! Дакнихтуну барча буллаи ура цинявпагу бусурман мубараксса Зума ритавал къинилуштал! Къамул даннав Аллагъу Таъланал жулла зумарду, чакру, Рамазан зуруй бувсса циняв хъинсса аьмаллу. Ва зуруй жуйнма бивсса неъматру щалла шиная личан баннав, бунагъмур, оьмур жуятува яла гъан баннав!

Рамазан – ва яла хурмат бумур, яла ххирамур, циняв бунагъру багъишла баймур барзри, бувсса ца хъинмур чъавусса баврин ккалли байсса барзри, жунма Къуръан гъан бувсса барзри. Рамазан зуруй бусурманчувнал чурх марц шавриштал архал ганал дакгу гъарзад оьмуня марц шайссар.

Ххирасса уссурвал ва ссурвал, анавар хъяра тавба дан, куннал ку, барча бува-ра, Аллагъ ﷻ рязи увара, бунагъирттая марц хъуну дакгу чаннал дуцин дара. Я Аллагъ, бува жу вина ххираминна-вух, Ина буллумур шукрулий къамул байминनावух! Амин.

Дагъусттаннал динналул идаралул председателъ, муфтий АхМад-хИажу Абдуллаев

## Азарва зуруяр ххирамур

ЛАЙЛАТУЛ-КЪАДРИЛУЛ ХЪХЪУНИЛ ХХИРАШИВУ



Ацния кивагу зурдардиву яла ххирамур, даража лаваймур барз – Рамазан барзри. Мунил хъхурдардил яла ххирамур хъхуру – Лайлатул-Къадрилул хъхури. Мугу Рамазан зуруй цумур хъху дуссарив мийжанну къаклулссар. Куннал хъхичИра – хъхичИсса хъхури тIар, куннал ацния арулку хъхури тIар, куннал махъсса ацрагу хъхурдардиву дусса тIар. Миннувугу я къуня шамулчинмурди, я къуня арулчинмурди, я къуня урчулчинмурди. Цания-ца диклан бюхъайссар тий бур. Кунналгу тий бур, Рамазан барз аьлхIат хъхуну ккаккарча, къуня урчулку хъху диклайссар. Итни хъхуну ккаккарча, къуня цаку хъху диклайссар. Тталат хъхуну ккаккарча –

къуня арулку хъху диклайссар. АрвахI хъхуну ккаккарча – къуня урчулку хъху диклайссар. Ххамис хъху ккаккарча – къуня хъюку хъху диклайссар. Ружмяр хъхуну ккаккарча – къуня арулку хъху диклайссар. Ххуллун хъхуну ккаккарча къуня шамулку хъху диклайссар тий. Хасил, му кIул къадурну, къюлI дурссарагу, му тIалав даншиврул чIярусса хъхурду утгара дуллаи, чир хъунмасса хъуншиврулли. Му диклайсса хъхунил аьламатту, му хъху я хъиннура дяркъусса, я хъиннура гъелисса дакъа, дянивсса, паракъатсса хъху диклайссар. Хъхурай Лайлатул-Къадр дикIун, кIюрххил буккайсса баргъгу кIялану, нур чанну биклайссар. ➤ 3

Ва номерданий :



лаж. 4  
Рамазан зурул ахирданий булайсса закат



лаж. 5  
Исмяил идавс ихлахавил хавар



лаж. 7  
ИвкIума иссаврил адабру

## ТалихIрал щаращи, гъидаятрал чирахъ

ШИНАЙ ЦАЛ ДУЧАЙССА ХХАРИШИВУ

Гъарца Рамазан барз байбихълахъисса чIумал дакIниву хъуннаса ххаришиврул асарду чантI учай, ми асардал сакин бувай цIу-цIусса ххуйсса хияллу ва ххуйсса пикрирду. Гъарца Рамазан барз байбихълахъини дакI интил тIабиаьт кунна чантI учай, цIулагай.

макъала: Къурбанисмяил Амиров

Агъ, Рамазан барз, ча буквра ина! БучIара ина шиная цал барачатраштал, ххаришивруштал, гъарцагу ххуймунил дайдихъулуштал. Ва дуняллий инсаннал яла хъунмур талихI – иман цIакъса душиву дур. ДакIнивусса иман

– му дур яла лахъмур лекъащайса талихIрал чани. Рамазан зуруйгу ччай биклай му чани хъиннува лахъ бан. Агъ, ххирасса Рамазан барз, ца ххирарча ттун ина буквIса чIун. Ути байбишинтIиссар таравихIрал чакру, гъарца хъхуну бусурман мизитирттавул багIлантIиссар. Му дакъарив жулла ххуйшиву. Ваппабай, ххал ба Рамазан зуруй жула ххуйшиву: цалнияр цал дуссар душиву цIакъ хъанай, буссару жува куннан ку ххира хъанай. Жува чIявуну жяматрай чакру буларча, ххира хъунтIиссару куннан-ку, лавай хъунтIиссар жула даража, яла-яла Аллагънан ﷻ ххира хъунтIиссару. Муняту, Рамазан барз бучIаву – му жуннаса гъарцагу чулухасса байранни.

Рамазан барз муксса ххуйну лагайхха, хIатта ччай биклай му къуртал къавхуну. Цанчирча, му зуруй дурсса дуаьртту къамул шай, циняв дакIнивусса хияллу чара бакъа щаллу шай. Яла-яла дакIниву имандалул чани лахъ хъукун, дакI мурадирайн дияй. Ччан биклай ххуймур чулиная аххана хъун, ххуйсса инсангураштал душиву дан, АллагъначIан ﷻ гъан хъун, Идавсия ﷻ буслан. Ахъуву мурхъру бувгъуну, хъунмасса ахъулссаннул багъ кунма оьрму чIюду бан хъанай бур исламрал ххуллийх най. Му багъ тIутIайх бичай Рамазан барз бучIайхтту. Аллагъу Таъланал вания тихуннай духлаган даннав душманшивугу, гуж хъуннав жула душививугу, уссушивугу.

## ЦIусса мизит бантIиссар

Июль зурул 23-нний Лакрал райондалийса Гуйннал шяраву хъунни хъинну агъамсса иш. Шяраваллил жамятрал хIарачатрайну шикку цIусса мизит бан хIукмугу буну, гъанулул цалчинсса чару бивхъунни. Шикку хъхъичIавагу мизит бивкIун бур, амма Совет хIукуматрал чIумал га лекъа-пIякъу хъуну бур.

Ва ххарисса мажлисрайн бивкIун бия шаг-рурдай яхъанахъисса гуйми ва Лакрал ва Ккуллал райондалул шяраваллил имамтал. Мажлисрайн бавтIминнал ахирданий мавлудгу дурккуну, дуагу дурунни.

МухIаммад-Маннар Бариев



### Редакторнал калам

Ххирасса МухIаммад Идавс ﷺ ва дуняллий унува Аьрабнал бачи жазиралул ислам къамул дурссар. Идавс ﷺ дуняллий лавгун махъ 30-ра шинал мутталий ислам Сириянаву, Египетнаву, Иорданиянаву ва мунияр махъ Индиянаву Испаннаву дияннин ппив хъуссар. КутIану учин, дуняллийсса халкъуннал шанма бутIул ца бутIа бусурман бивкIссар. Мунил хъунмур сававнугу диркIссар ислам гъаз дуллалиминнал ихIсан, гайннал марцIшиву, камилшиву. Аькьидалул элмулул имандалуха къуллугъ байсса кунма, фикъгьилул элмулул исламраха къуллугъ байсса кунма, тасаввуфралгу ихIсандалуха къуллугъ байссар. Тасаввуфрал, тIарикъатрал мяъна дурцIусса хъунисса аьлимтурал тIимунин буну, асхIабтурал, табиинтурал ихIсан, тасаввуф гужсса диркIссар. ИхIсан дакъассания, асхIабтурал гукун хъунисса, щалла дунял махIаттал дансса гъунарду къабанссия. Тасаввуфрал цIарду личIи-личIиссар: ихIсан, сулук, тIарикъат, элмул-батIин, тасаввуф, суфизм – вай мукъурттил мяъна цара цари.

АсхIабтурал ва табиинтурал заманная шинмай щаллагу дуняллий ислам гъаз шаврил хъунмур сававнугу хъуссар тасаввуф.

Исламрал тарихраву буссар чIявусса тIарикъатрал агълу цалва дъаватрайну халкъ тIайласса ххуллийн бувцусса. Щалла дуняллийх ца ларгсса машгъурсса шайх Аьбдулкадир Гиланинал дъаватрайну Ислам къамул дурссар 5-азара жугъутIнал, христианнал ва диндакъултрал, ва мунал вяъзардайну 100-азара бусурманчувнал тавбагу дурну шариатрал ххуллу бувгъуссар.

Сириянавасса аьлимчу МухIаммад Бургъани тIий ур: «ХIакъину дуняллий бусса бусурманнавасса бачIиннал ислам къамул дурссар марцIсса, ихIсан дуса бусурманная эбрат ларсун, цукунчIавсса ярагъ ишла къабуну». Ярагърайну Ислам дурурчIусса хъунисса амирталугу: СалахIуддин Айюби, Малик Музаффар, Бейбарс, МухIаммад ФатихI, Имам Шамил, Аьбдулкадир Жазари – вай цинявннал тасаввуфрая ва тIарикъатрал шайхтурая тарбия лавсъсар.

Жунма кIулли монголнал бакIчи Чингисханнал аьралуннал бусурманнал цукун хъунмасса зарал биян бувссарив. Чингисханнал арснал арс Баркатхан Бухаралия зана хъуну нанисса чIумал хъуна авкъуссар тIарикъатрал устаз Сафиюддин Бухаринашал ва ганаяту Ислам къамул дурссар. Шейх Джамалуддин Бухаринаяту ислам къамул дурссар Тамерланнул, ва ганал хъирив чIявусса монголнал. Дянивмур Азиянаву ислам машгъур шаврин сававнугу хъуссар тIарикъат. Шайх АхIмад Сирхиндинал барачатрайну Индиянаву МухIаммад Орнекулл шариаьтрал хIукумат дацIан дурну, 50-лла шинай ганий кIалувшиву дулла ивкIссар.

Имам Гъазали – элмулул хъхъири, «хIужжатул-ислам» – исламрал хIучча. Ванал бурувчIуссар бусурман философиялувусса баякъавурттая. Аль-Гъазалинал «Аль-Мункиз мина-з-залай» тIисса луттираву чивчуну бур: «Циняв аьлимтал ва циняв миллатирттал элмурду цачIун дарчагума гайннаша къабюхъантIиссар тIарикъатраяр хъинсса, тIайласса ххуллу лякъин, цанчирча, му халкъунначIан Идавсия ﷺ нанисса нурди» КутIану учин, гъарца кIанай дин гъаз давриву – Индиянаву, Малайзиянаву, Индонезиянаву, Азиянаву, Африканаву, Турциянаву, Ккавказнаву хъхъичIунсса кIантту бугълай бивкIссар тIарикъатрал устазтурал ва гайннал ххуллу бувгъуну наниминнал.

ХIакъинусса къинигу жунма чIалай бур тIарикъатрал агълу бушиву азарвахъул мизитру буллай, мадрасардаву мутааьлимтал дуклаки буну, кказитирттайхIин, телевидениялевух мукъуйну тIайласса дин гъаз дуллай бушиву. ТIарикъатралли лахъхъин бувсса азарвахъул муридтуран кIюрххил ва ахттакунмай тавба дуллан, салават-зикри ккалан.

isaassalam@gmail.com

## Яла лахъмур общежитие



Исламрал элму дулавугу, светский элмурду лахъ-хъин давугу цачIун бувсса институт хъанай бур МахIачкъьалаливсса Теологиялул институт. Августрал 10-нний ва институтрал общежитие буллай байбивхъуну цалчинсса чару бивхъунни. Общежитие баврил проектрайн буну, шикку мйра зивулийсса къатри дан тIий бур, оьрчансса ва душварансса личIи-личIисса къапурду ва зивурдугу дусса. Ва бикIан тIий бур жулва республикалийсса ВУЗирттал общежитиердава яла лахъмур.

Цалчинсса чару бишавриву гуртту хъунни Дагъуст-таннал муфтий АхIмад-хIажжи Аьбдуллаев ва цайми-гу хъунисса аьлимтал.

www.itimo.ru

## Франциянаву 100-ния ливчусса мизитру буллай бур

«100-нния 150-ннин бивсса мизитру буллай бур хIакъинусса къини Франциянаву. Ца-цавайннуву давуртту дахъра дайдихълай дур, цайми бур буну къуртал шавайсса», - буслий ур Франциянал бусурманнал имам МухIаммад Мусави. Мизитру бан хъунмур кумаг буллай бур шиккува ялапар хъанахъисса бусурманнал, ва чан-къансса кумаг най бур дазул къатIатугу. Рамазан барз байбишин хъхъичI Франциянал Страсбург шагърулий 1500 инсаннал цал архIал чак бан шайсса мизит таравихI чакру булланшив-рул зузи бувунни, уттигу къуртал буну бакъанува.

www.islam.ru



## Дин хъхъичIуннай най дур

Махъсса ппурттуву щаллагу дуняллий, хаснува Европа-наву ялу-ялун чIяву хъанай бур Ислам къамул дуллалими. Масъала, махъсса 10-ра шинал дянив так ца Норвегиянаву Ислам къамул дурми кIилийн чIяву хъуну бур. Бусурман дин къамул дурминнава чIявуми 14-15 шинавусса жагьилттал бур.



«Жагьилтуран Исламрая кIул хъанай бур цалва дустурая. ЧIявуминнал нитти-буттая къюлтIнугу къамул дуллай бур, амма мукун бунугу, Норвегияна-ву ислам хъинну хъхъичIуннай най дур», - тIий бур 20-ра шинал хъхъичI бусурман хъусса Норве-гиянавасса Карима Зольберг.

www.islam.ru

### Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

### Редакционный совет

Председатель редакционного совета муфтий РД Ахмад-хаджи АБДУЛАЕВ  
заместитель муфтия РД Махди-хаджи МУТАИЛОВ

### Главный редактор

Патимат ГАМЗАТОВА

### Редактор

Иса ОМАРОВ

### Канонический редактор

Курамухаммад МАГОМЕДОВ

### Корректор

Курбанисмаил АМИРОВ

### Ответственный секретарь

Ахмад МАГОМЕДОВ

### Менеджер

Абдусабир АХМЕДОВ

### Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20

Заказ № \_\_\_\_\_

Тираж 3. 350 экз.

Сдано в печать 18 августа 2011 г. в 20:00

### Индекс 51388

### Адрес редакции

367015, РД, г. Махачкала, ул. Азиза Алиева 2.  
Тел.: (8722) 61-00-64.

По вопросам подписки и доставки обращаться по телефону: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;  
www.assalam.ru



# Рамазан зурул ахирданий булайсса закат

ЗАКАТУЛЬ-ФИТРУЛУЛ БАЯН

Аллагъу Тааыланал хъус марці дан хъуслий закат ялув бувсса кунма, чурх марці бан, зумалувусса диялдакъашивуртту кичи дан, му зума Аллагъначла ۞ къамулну лякъин, фитрулул ссахігу ялув бувссар. Аллагънал ۞ лагънал дургъусса зума лухччи-савнил дяннв дарціну диклайссар, ссахі букканнин ссавруннайн къалахълай. Фитрулул ссахі буккан ялувссар гъарца бусурманчувнаяту – чивисса икфу, хъунасса икфу, зума дургъусса икфу, къадургъусса икфу, зума ритаврил байрамрал хъхунугу му къинигу цаллагу, цайва нафакъа ялувсса, къажимшивруйсса кулпатралгу дуркуну, ххишала шайсса хъус дусса адиминай. Мукунма, цайва нафакъа ялувминнаятугу буккан ялувссар – кулпат-щарсса, оьрчІру, нину-шпу, лагъарт.

Му ссахі ялув шайссагу, Эдрал хъхуну баргъ лавгукунни. Мунир махъ ивкІуманаятугу, мунир махъ бувсса оьрчІаятугу буккан ялув бакъассар. Ссахі буккайнугу нийят дан аьркинссар: «Нийят дурунни на фаризасса фитрулул ссахі буккан ттухлува (щарссанихлу, оьрчІахлу, цама пурман лавъсса инсаннахлу) Аллагъу акбар» - куну.

Балугъ къавхъусса оьрчІаяту буттал нийятрайну букканссар. Му акъахъурча цама валийнай нийятрайну букканссар. Мугу акъахъурча цама-нал щил бунугу буккан бучіссар. Ппу акъасса чІумал, оьрчІаяту нитил буккангу бучіссар. Щарссанил, лас акъасса чІумал, мунал хъуслияту, цятува ссахі буккангу бучіссар, мунал изну бакъанугу. Щарссания изну бакъана ласнал буккангу бучіссар.

Хъунав хъуманал цама вакил ангу бучіссар, цятува ссахі буккан пурман буллуну. Вакилналгу мунаяту буккан куну нийят дурну букканссар.

Сахі щалва Рамазан зурул мутталій буккан ихтияр дуссар, яла хъинмур, суннатмур чІун – махъва-махъсса къини баргъ лавгун махъ, гунтти-мур къини Эдрал чак буллай бай-бишиннин. Бучіссар байранналул къини баргъ гъаннин буккангу. Мунир махъну бутаву хІарамссар. Мукун ливчІманал мугълат бакъа хъирив лахъан аьркинссар. Ссахі бичайссар цува усса кІанттаву чІяруну ишла дайсса бакІлахърулийну. ЖучІава Дагъусттаннай му хъанай бур лачІа. Жулва мазгъабрайн буну, ца лачІал ссахі дяннвну 2 кило ва 400 гр хъанахъиссар. Цайми аьлимтурал тІимунин буну – 2 кило ва 700 гр, муният, чансса ххишалану хІсав буну хъинссар.

ЛачІайну ссахі буккан захІмат хъанай бухурча, Имам Абу ХІанифанал мазгъабарайн буну, арцуйну буккан ихтияр дуссар. Абу ХІанифанал мазгъабрайн буну, ца ссахі 3 кило ва 700 гр хъанахъиссар. Мукун, арцуйну буклай ухурча, нийят данссар: «Нийят дурунни на ва фаризасса фитрулул ссахі Имам Абу ХІанифанал мазгъабарайн буну арцуйну буккан ттухлува (щарссанихлу, оьрчІахлу, цама пурман лавъсса инсаннахлу) Аллагъу акбар» - куну.

Фитрулул ссахі булайссар вай мйива журулул инсантуран:

1. Факъир. Мугу хъанахъиссар я хъус, я даву дакъама. Масала, хъхъу-къини ацІва шагъилий мюхтаж хъанай уну, кІива-шанма шагъи бакъа, цамур хъус дакъасса. Шариатрал элму-лухун машгъул хъусса, дурккусса аьлимчувгу, мукунсса къастирай дуклакисса мутааьлимгу, факъиртуран хІсавссар, миннангу булунссар, циксса хъус дусса бухурчагу. Цанчирча, маэшат булларча, му элму-лухун машгъул хъун къашайнути. Амма дурккусса унугу халкъуннан мюнпат бакъасса ухурча, мунал булун къабучіссар.



2. Мискин – даву дума, чан-къансса дунугу хъусгу дума, амма диялну дакъасса. Масала, ацІва шагъилий мюхІтажну уну, хъхъу-къини арул-ва-мйива шагъи бакъа, цамур хъус дакъасса.

3. Аьмил – ссахі батІавриха, чичавриха, ябавриха, бачІавриха, булун лайкъма личІи авриха узума. Мунал закат булайссар дурсса даврихсса харж хІсаврай.

4. Цуну бусурман хъуманангу булунтІисар бусурманшиврий цІакъ хъуннин.

5. Хъус дулурча залуннал тархъан итанна кусса лагънангу булайссар, му тархъан хъуншиврул аьркинссаксса.

6. Ялуршиннаралун, буржиравун агъманангу булунссар му бурж лахъануксса къадар, хІалалну дурсса ялуршин духурча, цалва чурхан, кулпатран аьркин дан, дучІи дан ларьсса. Ягу ХІажлив гъан, зияратрай гъан, гъазаватрай гъан ларьсса. Ягу ххавхмий бакъил бан, хъамал хъамалу бан ларьсса, мизит бан, ламу бан, ясир увма тархъан ан ларьсса. Мукунма цайми хъинбаллартгал ххулий ларсун, буржиравун агъсса. Амма бунагъру буллай, икрапшиву дуллай, хІантту хІачІлай, бурж хъуманан тІурча – къабулунссар. ХІакъну тавба дарча мунал булун бучіир.

7. Чикъавчуну, харж къабивхъуна, Аллагънахлуна ۞ увкун нанисса гъазинангу булунтІиссар, ярагъ, чу, лаххия машин ласунсса, хъус дусса ухурчагу.

8. ХІалалсса сапарданий нанисса мусафирнангу цува нанинин иянсса къадар булунссар, канихъ за

дакъа ливчІун ухурча. Бунагъсса, хІарамсса сапарданий наниманан-нив къабулунссар.

Цаманан, масъала, ятинтуран ягу къашавайсса инсантуран, кІай мйивагу журулулун багълай бакъахурча, ссахі булун къабучіссар, булурча, му укунмасса садакъалун ккалли хъанахъиссар ва муниину ссахі бичаврил бурж барт къалагайссар. Жулва мазгъабрайн буну шамунна-яр чанссаннан булунгу къабучіссар. Вайми шанмагу мазгъабрайн буну цаннан булаву гъассар.

Ми закат ласайсса мйивагу журулул халкъ бусурмансса бикІан аьркинссар, чапурчунан закат къабучіс-

сар. МухІаммад идавсил ۞ тухумда-ляитуманангу булун къабучіссар. ХъхъичІсса шиннардий ци-дунугу савав хъуну къабулунма ливчІсса ссахігу шайкун анаварну хъирив лахъан ялувссар.

Фитрулул ссахі цува усса шяраву, шагърулий буккан ялувссар. Му щарнил мискинтурайх, закатрал агъулданийх бачІинссар. Микку закатрал агълу бакъахурча, му цува усса шяравун яла гъанмур щар цумур дурив ххал дурну, му шяравусса мискинтурайх бачІинссар. Ца ссахі чІявуссаннан буллуссаксса хъинссар

Жулва кІанттаву чІяруну шанма жура бакъа къабикІай: факъиртал, мискинтал, буржирдавун багъмий (мутааьлимталгу факъиртуравун ккалли байссар). Му чІумал шанма бутІа буну ца бутІа факъиртурайх, ца бутІа мискинтурайх, ца бутІа ялуршиндаралун багъминнайх бачІинссар. Миннавугу аьжизманан, цана гъанманан, дин думанан, хъинманан чан-къансса чІяву бан бучіссар.

Фитрулул ссахі дурусу, къамулну яла багъансса куцуй бугу бувкун, багъайсса куцуй багу бавчІусса бусурманчунан чІярусса хъиншивуртту дуссар: бунагърая марці шайссар, цІарая ххассар шайссар, гъаттавату иминну уккайссар, ссиратІрайх пар куна лахъайссар, хъиншивурттугу шайссар, Идавсил ۞ шафааьт биййссар, Алжаннул агълу шайссар, бувсса аьмал къамулну лякъинтІиссар, зумалувун дагъсса нукъаншиву, карчІаншиву муниину дарзуну, къамулгу шайссар.

## Эдрал чак

Зума ритавал байранналул къини эдрал чак баву – Исламрал аьламатри, суннатун муаккадар (гужсса суннат). Идавсгу ۞ ялув авцІуну буллай ивкІссар. ХІатта, фарзу-кифаяр – жамятрава цаннал буварча, гайминная къабаврил бунагъ яла багъайсса буржри тІийгума бур. Му жамааьтрай баву суннат баврил сававгу му ххирасса къини халкъ кунначІан кув бавтІун му чакгу буну, дакІругу цачІун дурну, ххавхмийгу дакъил хъуну, хІалалшивурттугу ларсун ялтту бучІарча, миннайн Аллагънал ۞ цими ликкайссар. ХІатта, муъминчунан лайкъ бакъассар му чаклия ххавхманашал дакъил къавхъуну гъан, шариатрал къамул байсса озру бухурча бакъа. Му баврил чІунгу баргъ бивну махъ ахттайн бизаннинни. Яла ххиратур чІун баргъ чансса гъаз хъувкунни. Мизитраву бавугу хъинссар. Жамааьт мизитраву къума хъанай бухурча, авлахърай баву хъинссар. Миккун такбиргу бивхъуну гъанссар, миккун биянин. Цалвалу буллай ухурча, хутІба къабувна банссар. Мунилгу кІира ракааьт дайссар. Му байсса куцгу: «Нийят дурунни на зума ритаврил Эдрал чаклил кІира ракааьт дан суннатсса хъунасса Заннайн Аллагъу акбар» - куну бахІинссар. Имамнал хъирив буллай ухурча, имамнал хъирив чинссар. Яла «Важжагъту» дуккинссар. Ялагу «Аллагъу акбар» куну кару гъаз дурну, «СубхІаналлагъи вальхІамду лиЛлягъи ва ля илягъа илля-Ллагъу вал-лагъу акбар» учинссар. ХъхъичІмур ракааьтрай аруйлава такбир бантІиссар бахІаврилсса бакъасса, цал буну цал баннин мий махъру учинтІиссар. Яла АльхІам буккинтІиссар. КІилчинмунигу ххюйлава такбир бантІиссар, ивзун най уна увкусса бакъасса, гайва махъругу учинссар. Яла АльхІам буккинссар. ХъхъичІмур ракааьтрай «Къаф» ягу «СаббихІисма» буккинссар. КІилчинмуни «Икътараба» ягу «Гъал атака» буккинссар. Яла салам буллукун, ивзун хутІба банссар нюзмярдул хутІба кунмасса. ХъхъичІмур булланнин урчІилва Аллагъу акбар чинссар, хъиривмур булланнин аруйлава учинссар. Му байни азан-къаматту къаучайссар. Шамийлава «Ассалата жамиааьгъ» учинссар. Му чаклийн нанисса адиминал чурх шюшавугу суннатссар. Ххуйсса марцісса янна лаххаву, чІюлу шаву, нахІу къанкъ даву суннатссар. Михъру къукъаву, чурх марці баву суннатссар. КІюрххилва бучІавугу суннатссар. Бахътта, хІаллих бачаву хъинссар. Имамрив, чак бан чІун хъувкун учІанссар, учІайхту бугу булланссар. ХІатта, имамнал мизитравун увххукун, суннат-чакгума къабанссар. Хъуни хъами бучІавугу суннатссар, амма чІюлу къавхъуна бучІанссар. Чак буну махъ, увкІсса ххуллийх зана къавхъуну, цамунийх кІура авну лагавугу суннатссар, чире хъунмассар. Эдрал чак шаппа буллалиманангу цалва кулпатрацал, чІаххурацал, гъан-маччаминнашала жамааьтрай буну хъинссар. КІай дуаьртту къакІулманал цувалу буллай ухурча, кІира ракааьтрайсса суннат чак банссар цанма кІулсса куцуй, Эдрал чак бансса нийятту дурну.

## Ххуллий ляркъусса задран ци байссар?

Инсаннаша дагъну ххуллий ляркъусса, хъусну ккалли дайсса зад лякърча, му гъаз данссар цайнна цалла вихшала дусса, мунил цаний цанма танмихI къахъунссар тий дакI дарцIусса инсаннал. Цайнна цала вихшала дакъасса, танмихI хъунссар тIсса инсаннаннив гъаз даву къахъинссар, цурда къаританссар. Му гъаз дурну цанна ритарча, дуржагърал цIарал паччахI куннассар, хIарамссар.

ОърчIан, бакIрал сакъатманан ляркъумур वालीнал ларсун, заллу лякърча, ганахъун дулунссар, къалякърча оърчIан ританссар. Миннаша къаларсун зия хъун ритарча, वालीнахъу ляркъавугу ялувссар. Мукул ххуллий ляркъусса зад кIия аьрхIал най ххал цаннан хъуну, гъаз цаннал дарча, гъаз дурнанни дикIайсса. Му гъаз дайнигу мунал къаст дикIан аьркинссар заллу ххал увну, залуннахъун дулун, къалякърча цанна ритан. Гъаз дурну махъгу мунай ялувссар му цанна ляркъушиврий барагу ацIан увну, мунил заллу тIалав ан, цIуххин. Ягу имамнахъун дулунссар, мунал цIуххиншиврул. Имамнахъун дулманал му задрах жаваб къадулайссар.

ЦIуххаву дайссагу, кIичIирттаву халкъ бавтIсса кIанай, ягу мизитрава бувкун наниний хъулуву авцIуну, укунсса, ва сипатрайсса зад ляркъунни, заллу уккIяра кунури. Мунил гъарца аьш-бакIрая шаллуну къабусайссар, дачIи-къачIи дакъа, хIиллалийну цилчIав къаласун. Ляркъусса гъантрай къинилун цал цIуххинссар, яла нюжмърдий цал цIуххинссар, яла зуруй цал цIуххинссар. Мукул цIуххлай шин хъуннин ритайссар, зия къашайсса духъурча. Зия шайсса духъурча, дарххуну мунил багъа ябайссар. Багълул ларай дакъасса зад лякърчарив, чан-къанну цIуххаву дарчагу гъассар. Яла цанна ританссар. Хъусну ккалли къадаймур тIурча, цIуххинмагу ялув бакъассар. ЧIири-хъуншивугу аьдатрах бурувгунни дикIайсса.

Жанаварданул зарал байсса, къабитарча бивчIанссар, талап хъунссар тий нигъ дусса хIайван лякърча, масала: яттил хIайван, бярч, кунча, хIукIу, мий кунмасса цайми мюршисса хIайвант, мугу бувгъуну буцин бучIир чув лякърчагу, заллу къауккарча заллушиву дан нийятрай. Жанавардания хъунна нигъ дакъасса хIайван лякърчарив, масала, чу, вилцIун, ттукку, ниц, оьл, мий кунмасса цайми, къуватрайну ягу ливхъун ягу левххун ххассал шайсса хIайвант, цурклия нигъ дакъасса, халкъунная архсса авлахърай лякърча, лявкъунал ягу имамнал буцин бучIиссар, заллу увккун булунсса нийятрай. Заллу къауккарча цанма битан нийятрай буцин къабучIиссар, цуппа къабитанссар залуннан лякърчинни.

Цуркния, жанавардания нигъ дакъасса кIанайсса хIайван цилва цуппа ялапар хъуну залуннан бакIрайн багъаннин къабитан бучIиссар. Цуркния, хиянатшивруя нигъ дусса кIанай лякърчарив, масала щар гъансса, халкъ биллалисса кIанай, мугу буцин бучIиссар, мукулна заллу къауккарча цалла заллушиву дан нийятрай.

Шариатрал тIсса куцIуй, ххуллий ляркъусса зад гъазгу дурну, заллу уккайрив ккаккан, цIуххин багъайсса куцIуй цIугу цIувххуну, шин хъуннин заллу къауккарча, шин хъуну махъ мунил заллушиву дан ихтиярссар. Заллушиву дайссагу «на ва тIунна ляркъусса задрай заллушиву дав» кунури, мукул къакуну заллу къашайссар. Заллушиву дурну махъ мунил заллу уккарчагу, ялагу ганан зана дан аьркинссар, муния хIасул хъусса хайрданушал, масала, хIайван лявкъуну лургъи хъурча, лургъишиву дулунссар.

НасихIатуль-аввал (ГъунчIукъатIан)

# Исмяил идавс عليه السلام ихлажаврил хавар

ГЪАЗИ АЛЬ-ХIУСАЙНИНАЛ «МАТIАЛИОБЛ-ЖУМГЪУР»

(дайдихъу хъхъичIсса нмердай)


Ибрагъим идавсил عليه السلام цахъва цала назру бивну бивкIун бур цана арс арча, Аллагънан عليه السلام къурбан анна, куну. Яла замана лавгукун, мунал му цалва назру хъама бивтун бур. Ца чIумал Ибрагъим عليه السلام шанай унува макIра ккаккун бур цахъва тий: «Я Ибрагъим, Аллагънал عليه السلام вихъ вила назру барт бигъа тий ур, мугу вила канил вила арс иххавури», - куну бур. Ибрагъим عليه السلام нигъа увсун, чантI увкуну ур. Ялагу му куцIуй макIра ккаклай диркIун дур, лув-ялув арулла хъхъуну. Яла мунал му арс иххан къаст дурну дур. Ганал Исмяиллухъ хъхъагу чIилагу ласи куну бурча, ганал циванна, ттул шпу, куну бур. Ибрагъимлул عليه السلام къурбаннун ку бихханна, куну бур. Яла кIиягу бавчуну бур МиналчIасса зунттучIан. Гай най бу-нува, Исмяиллул عليه السلام иблис хъунавхъу адиминал суратрай бивкIун: «ина чун най ура», - куну цIувххуну бур. «Къурбан биххан най ура», - куну бур ганал. «Къурбан цирив кIуллив», - цIувххуну бур иблислул. «Къакулли», - куну бур Исмяил идавсил عليه السلام. «Мунал ина иххан най ура, ва тул вихъсса насихIатри», - куну бур иблислул. Исмяиллул عليه السلام суал бивну бур: «ттул буттал му цала цайнува буллай уривкъай ягу Аллагънал عليه السلام амрулийну буллай урив?» - куну. «Заннал عليه السلام амрулийну буллай ур», - куну бур иблислул. «Туну Заннал عليه السلام амрулийну на цукун аьсив хъува?» - куну бур Исмяиллул عليه السلام. Яла иблис

хъирив занай бивкIун бурча, заназитари Исмяиллул عليه السلام чартту бишлай лихъан байсса бивкIун ур. Арийлва мукул бившун бур, мунияту, хIаж байний арилва ми чартту бищаву суннат хъуссар. Яла Ибрагъим عليه السلام зунттучIан ивукун, шIивкIун Исмяиллухъ عليه السلام: «Аллагънал عليه السلام ттухъ ина иххи куну вахIю ливккунни, арулла

чIиллул къакъукълан бивкIун бур, ххарссарагу къадурну дур. Яла ва иши-раяту малаиктал, лелух-хант, уртгилсри, хъхъири-вусса хIаври къума хъуну, цинявппа Аллагънайн عليه السلام леххаву тIун бивкIун бур: «Я Рабби, я жул Заллууй, ва хъунав хъусса адимина ва ванал чIивисса оьрчI Ина ванахлу фида бивну ва къуртал ува», - тий. Яла

дур, Халиллул чулух дакъара. На цукунникъай къукъайсса Исмяиллул عليه السلام сурссу, МухIаммадул عليه السلام нур мунал ненттабакIрай пар-пар тий дунура», - куну бур. Яла Аллагънал عليه السلام Ибрагъимлул عليه السلام вахIий гъан увну, я Ибрагъим, ина макI тIайла дацIан дурунни, хъиншиврул заллухъруннан Нагу хъин-баларду байссар», - куну бур. Мунал мусъят Жабраил ца хъинсса кугу бувцу-ну увкIун, ва вил арснал къурбанни, фидари, ва буцача, биххи, - куну бур. Мунияр махъри къурбан биххаву суннат хъусса. Га кугу Гъабиллул къурбан бувсса ку бивкIиссар, Аллагънал عليه السلام махъун бивтун, Исмяиллул عليه السلام хIадур бивну бивкIисса, буттахъал бувсса хъинбала оьрчIайнгу бияйшиву халкъуннан ккаккан баншиврул. Га кугу пилуксса бивкIун бур, ганал хъирттугу, михъругу ятIулсса мусил бивкIун бур. Муний ттаркIгу къадиркIун дур, дикIгу майгу дакъа. Чурххай ппалгу къадиркIун дур. Алжаннул ардай канай бикIайсса бивкIун бур цуппагу. Яла Ибрагъимлул عليه السلام му бивххун, пакъртурайх, мискинтурайх бавчIуну бур, цуппагу Миналив бивххун бур. Мунихлуну хIажитурал микку къурбан биххаву суннат хъуссар. Иххайсса чIумал Исмяиллул عليه السلام оьрму къура шин диркIун дур. Исмяиллул عليه السلام цалла дунялий ттуршлий зувиллий арулла шин хъуну дур. Цувагу мизабрал - Байтуллагърал бяхкIанттул лув увчуссар тий бур.

(гIухнмайгу буссар)



Исмяил идавсил заманная шинмай хIаж байний арилва чартту бищаву суннат хъуссар.

хъхъуну лув-ялув мукул макIра ккаккунни», - куну бур. «Вихъва амру бувсса зад бува, ттул шпу, иншаАллагъ нагу ссавур дайминнаяту лякъринссар вин», - куну бур Исмяиллул عليه السلام. Иблислул му иш ккакккуну му зунттууй шIивкIун бур, миннал ци иш шайрив ххал бан. Ибрагъимлул عليه السلام Исмяиллул عليه السلام урчIа чул лувну утту ишин увну, кIирагу кагу, кIивагу ччангу хъхъуттай дархIуну дурча, Исмяиллул عليه السلام увкуну бур: «Ттул кару-ччанну мадахIара, малаиктурал Заннал عليه السلام бувсса амрулий цIуру-кIуру буллай ур къаучин», - куну. Яла гай хъхъару ттиривхIуну бур. Яла Ибрагъим عليه السلام цала арснал оьнкъарах чIила дирхъуну, ритлан ивкIун ур, амма

чIиллул Исмяил къакъукълан бивкIукун, Исмяиллул عليه السلام «Я ттул шпу, ина му чIила гужрай риргун, кIялатуннурайн дияннин гъан да», - куну бур. Яла Ибрагъимлул عليه السلام гужрай диртун дурча, чIила зана диркIун къурттаравун дахъларгун дур. Исмаиллул عليه السلام буттахъ увкуну бур: «ина на лажин лувну ити, ина ттул лажиндарах урувгукун цими хъанай урача», - куну. Яла лажин лувну увтун, чIила риргун, къакъувкъуну бурча, Ибрагъимлул عليه السلام сси бивзун чIила эки лирчун дур. Яла Аллагънал عليه السلام чIила гъалгъа тIутIи дурну: «На кIива амрулул диянв лирчIун дур, Халил къукъа тий ур, Жалил عليه السلام макъукъара тий ур, нагу Жалиллул عليه السلام чулух

## Бусурманнал барзру



Бусурманнал календарь бай-бихъуссар МухIаммад Идавс عليه السلام гъижра бивну, Маккалия Ясриблив ивзсса чIумуя шин-май. Муния махъ Ясрибран цIагу Мадина - Идавсил عليه السلام

Шагъру дирзссар. Му гъижра бувссар 622-ку шинал. Бусурманнал календарьдану-нул гъануну лавсъссар 12 барз бусса зурул шин. Му календарьданийсса ца зуруву бикIайссар 29 гъантта, 12 ссят ва 44 минут. Бусурманнал шиनावу бикIайссар 354 ягу 355 гъантта.

Бусурманнал календарьданийн бивну цIусса къини дайдишайссар хъхъурай, маркIачан чаклил чIун дуркIукун.

Бусурманнал барзру: мухIаррам, сафар, рабиоьл-аввал, рабиоь-ссани, джумадул-ула, джумадул-ахир, раджаб, шаъбан, рамазан, шаввал, зул-къаъда, зул-хIижжа.

## Рамазан

Циванни ссавнийсса чаннасса цIуртти КIакссава чаннану пар-пар тIутIисса, Цивани зурул нур кIаксса кIяласса, Рамазан бучIаврил аьламатрур кIай.



Циванни къинирду вакса ххарисса, Циванни хияллу вакссава марцIисса, Циванни ттул дакIгу вакса ххарисса? Рамазан бучIаврил аьламатрур вай.

Гъарца шинал ва барз ялун бияйхтту ТIутIайх дичай дакIру, тирха тIун дикIай, Ванил шалва оьрму чанна лахъан бай Ва ттул дакIгу дикIай талихIрал лехлай.

Къурбанисмяил Амиров



## Зуна бавричан гьан машари!

Аллагьнал ﷺ хIарам дурсса гьарза-драву цува инсаннан, мунал цIулул-сагъшиврун, кулпатран, аькьлудун ва щалвагу жамьтран зарал буссар. Бунагь бавугу инсаннан загьрунир оьккисса задри. Цанчирча, загьру-лул инсаннал кутIасса оьрму ласлай бур, бунагьиртгал тIурча, абадлийсса ахиратрал неъматиртгата арх уллалиссар. Загьрулул хьуманал цIуцIавуртту чансса хIаллай дикIайссар, бунагьирт-тахсса аьзавруив хьинну лахьисса чIумуйсса дикIантIиссар. ХIакьинусса кьини халкьуннал ахлакь-табаиьт мукун зия хьуну дур, хIатта хьунисса бунагьру оьванмасса тIуркIулун ккал-ли буллай бур. Ца мукунсса бунагь хьанай бур хIакьину зуна бавугу.

макъала: Эса Эсаев, Дагъусттаннал Исламрал университетрал студент

Аллагьу Таабланал Кьурьанналуву увкуну бур: «Зуна бавричан гьан машару, му хьинну дучIидакьасса тIулли ва мурдалсса ххуллури» (сура аль-Исраъ, аят 32). МухIаммад Идавсил ﷺ хIадисраву увкуну бур: «Зуна буллалисса инсаннал иман ликкайссар чурххая гьухъа ликкайсса кунма», – куну. Мудан зуна буллалисса инсан чан-чанну тий имандалуца хьуну, чапур шаврия нигь дуссар, дунияллия лавгукунгу даимсса аьзавраву икIантIиссар. Цамур хIадисраву увкуну бур: «Зуна цайминнал хьаннищал зуна мабулларди, цайминнал зул хьаннищалгу къабантIиссар», – куну. Зуна баврил чара бакъа ххуй дакъасса ахир дикIайссар. ХIадисраву увкуну бур: «Зуна баврия ичIулуну бикIи, мунил лажиннараву исвагьийшиву ласайссар, мискиншиверувун утайссар, Аллагьнал ﷺ сситтулу икIайссар, хьунмасса хIаллай дуржагьравугу икIантIиссар». 1400 шинал хьхьичIва Идавсил ﷺ бувсьсар халкь бунагьиртгавун бахьлавгукун, зуна баву гьарза хьувкун, хьхьичIра къадиркIсса хьин дан къашайсса цIуцIавуртту ялун личинтIишиву. 30-ра шин хьуну дур СПИД цIуцIаву дурккун, амма уттигу духтуртураца му хьин дансса дару лякьин къабюхълай бур. Цайми цIуцIавуртту кунна СПИД цакуну диян бюхъайсса цIуцIаву дакъар. ЧIявучин му дияйссар зуна байсса, наркотикру байсса арамурайн ва хьаннин. ХIакьинусса кьини дунияллий 60 миллион халкьуннал бур СПИДрал къашавай зуна баву сававну. Ца-цавай инсантал бикIай цалва оьрму бунагьру буллай лавгун бухьурча, утти махьунмайсса ххуллу бакъасса ххай, тIайла ацIан къабюхъанссар тий, гихунмайгу хIантту хIачIлай, наркотикру буллай, зунаду буллалисса оьрму бутлай. Амма мукунминнангу, миннуяр оьсса бунагьру буллай бивкIминнангу ххассалшиву дуссар Исламраву. Жува циняв Аллагьнал ﷺ заевсса лагьартру, бунагьрая урувчуссагу цуцIав акъар. Жува мудан Заннал ﷺ цIимилин хьул бивхьуну бикIан аьркинссару. Аллагьу Таабланал Цалва цIимилинну жунма циняв бунагьиртгата дара буллу бур. Му даруну хьанахьиссар тавба даву. МухIаммад Идавсил ﷺ увкуссар: «Бунагьиртгата пашман хьуну тавба дурма бувагу бунагь къабувма кунассар». Муният, зуна бувманангу аьркинссар дакIнихтуну тавбугу дурну, му бунагь ххишала къабан цIакьсса ниятгу дурну, динналул чулинай кIура аян. Аллагьнал ﷺ жува циняв зуна баврия буруччиннав!

## ИвкIума иссаврил адабру

ИвкIусса бусурманчув шюшингу, суру бишингу, жаназалул чак бангу, учингу махьминнай ялувсса буржри – цаннал барчагу гайминная яла багъайссар, цанна-вагу къабарча, циняв бунагьралун багъайс-сар.

ИвкIума иссаврил, шюшаврил яла чанмур, дукъарну чара бакъамур – цал мунал чурххайсса нажас, чапалшиву яла гьан дурну, яла щала чурххайн щин диян давури, цакуну щала щинавун ахь лаган арчагу гьассар. Амма, мунил яла ссуннатмур, камилмур – шамуннал иссавури. Халватсса, цуцIав акъасса кIанай, лахьсса улттарай, урцIуй ягу цамур задрай ивхьуну иссунссар. Му исласима-нал цал цалла урчIамур кагу му жаназалул кия хьачIунттах дирхьуну, хьун кIисса къинтIуллух кюнIуллуву бивхьуну, бакI ларай гьаз дурну, киямур ка лякьлуй диз-лай вивсса чапалшиву дуккан данссар, мугьлат бакъа цаманал щингу рутIлай. Яла лякьа лавай увтун уна кия канийх ка дахIугу дахIуну, ягу катIа ларххун тIагьарат банссар марцI бувну. Яла цалла каругу шюршюну, урчIа канийх цамур ка дахIугу дархIуну, зумув, кьункьув, вичIавун кIисса бувкIун чапал-шиву яла гьан данссар. Яла уттавама исайсса куна чаклийн иссунссар, шан шамийла шюршюну, вирдай щин къагъайсса куцIуй. Яла бакI шю-шинссар. Яла лажин шюшинссар ссахIвангу бувккун. Ялагу кIукуна лякьа лавай агьну уна

урчIамур чул шюшинс-сар, кьонкьаралату бакI ччаннайн бияннин. Яла киямур чулгу шюшинс-сар. Яла куямур чулий ацIан увну урчIамур чул шюшинссар шамийлва. Яла урчIамуний ацIан увну куямур шюшинссар шамийлва. Яла ялтту дяр-кьусса щингу рутIинссар. Ккарччив гьартасса ттаралланух чIиригу зиххинссар. Дагьмур чIарагу цацIара сурураву дишинссар. Иссайнигу адиминал адамина шюшинссар, царссанил шарсса шю-



шинссар. Ласнал шарсса, царссанил лас шюшин-гу бучIиссар. Амма, чурххайн ка къалаянну, канийх хиркъа, зад кай-кай дурну, катIа ларххун шюшинссар. Шарну буцин хIарамийгу цаннал ца шюшин дурусьсар – уссийл ссу, ссуыл уссу, арснал нину, ниттил арс куна. Му шюшингу вараъ дусса, иминсса, шюшав-рил хIукмурду кIулсса хьинссар. Цувагу гьанс-са, буттайхсса хьинссар.

Му шюшайманалгу цIимилинну адабрай шю-шинссар. ХIатта, ивкIусса инсаннан цува шюшла-шима, лавсун нанима гьаттаву ихълахьима кIул шайссар. ИвкIуманан захIмат къахьунну иссун аьркинссар. Мунал аьврат-рал кIанттавунгу къаур-ганссар, бюхъайссакасса аьвратрайн зад рутанс-сар. Шюшлашиманан ивкIума хьинсса ушив-рул аьламанат ххал хьурча, масъала, лажин тирх тий, нур дизаву кунна, му махьнахьгу бусанссар. Оьшиврул аьламанат ккак-

амма адиминан шан-ма, шарссанин ххюва бишаву хьинссар. Суру бишин яла ххирамур яннагу – кIяламурди. Мугу шюршюмур хьинс-сар. Ххирамур, ххуймур, ранг думур къахьинс-сар. Мий сурурдугу, цал яла лахьимур къат лув рутанссар. Мунил ялун кафур, мархха – хха-тингу зурзу бувну, яла кIилчинмур рутанссар. Муниингу зурзу банссар. Яла шамилчинмургу рутанссар. Муниингу зурзу банссар. Яла мунил ялув дишинссар жаназа. Ялун мива задругу зурзу бувну, бухIинсанних ца лиссугу дахIинссар. Ччарча адамина ухур-ча мунищал гьухъа ва бакIрагьугу кIира къатту дурну гьухъа карши ва хIажакгу данссар, кIи бавхIу кIанттаву панмагу бишинссар. Яла минну-ву кай-кай увну ялтту дахIавуртту дахIинссар. Яла жаназа чуртту дурхьуну, дархIуну мукъа адаминал ласунссар му лавсун наниниингу чансса анаварну бачаву хьинс-сар хIаллих бачавунир. Зия шавриягу нигь ду-хьурча му гьаттаву ччяни ишаву хьинссар. Жаназалуцал нанийни Аллагь ﷺ кIицI лага-ву дакъа цамур калам къабанссар. Куннаца куннал зехлайгу къалас-ланссар. Муничан гьан-ну мунил хьхьичI ачаву хьинссар, махь ачаву-нир. Мунищал увкIма, му хIавтIливу дишин-нин щя къаикIавугу хьинссар. Му дуччин-нин мичча кIурагу къааянссар. Жаназа ялун дирукун луватугу бизанссар.

(гихунмайгу буссар)

## Аькьилсса калам

Ца паччахI аьлимчуначIан увкIун, увкуну бур: «Ттун ца-кIива насихIат бува», – куну. Аьлимчунал увку-ну бур: «Адамлул оьрчIру ччатIучIан кунма, ччатI булайманачIан бавхIуну бивкIиссания, ми малаикту-раря лахь хьунссия. Заннан ﷺ ина хьама къаивтсса-ра рухI дакъасса заррану усса чIумалгу, ниттил лякь-лувусса чIумалгу. Аллагьу Таабланал дуллуни вин рухI, аькьлу, тIабаиьт, ххуйшиву, калам бансса маз, пикри-кIулши. Заннал ﷺ вил каруннай ацIва кIисса бувунни, хьачIунттай кIира ка дирхьунни. Утти Аллагьнал ﷺ винма ччатI булун хьама битанса ххай урав? Идавсил ﷺ увкуссар: «Аллагьнал ﷺ исламрал ххуллийн тIайлагу увну, диялсса дукиягу дуллуно, думуний цукру байма барачатмари». Кьияматрал кьини вихь цIуххинтIиссар ина цукун ялапар хьанай уссияв, цукунсса аьмаллу буллай уссияв, куну. Ина щил тухумраятуссара, ци миллатраятуссара куну суал къабантIиссар. Вил хьинсса аьмаллу ххал бантIиссар, вил нину-пцу ца бивкIун бурив ххал къабуллантIиссар. Цинявннал ппай учайсса Къаба-лул ялун дуртсса кисва, га сунттул дунутIий ххира

къархьуссарча, цаппара гьантрай ххирацца задрал ялун дуртун дунутIийри хьусса. МухIаммад Идавсил ﷺ увкуссар: «Ахиратраву инсан икIантIиссар цанма ххирану бивкIминнацал».



**ДАГЕСТАНСКИЙ ИСЛАМСКИЙ УНИВЕРСИТЕТ  
И  
МЕДРЕСЕ ИМЕНИ ШЕЙХА МУХАММАД-АРИФА**  
Объявляют прием абитуриентов  
на очередной 2011/12 учебный год

объявляют прием абитуриентов на очередной 2011/12 учебный год. Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

**ПРОДОЛЖИТЕЛЬНОСТЬ ОБУЧЕНИЯ:**

- ✓ в Дагестанском исламском университете – 5 лет.
- ✓ в медресе – 3 года.

**ПЕРЕЧЕНЬ ДОКУМЕНТОВ:**

- ✓ нотариальная копия документа об образовании;
  - ✓ копия паспорта – 2 шт.;
  - ✓ фотокарточки размером 3/4 в количестве пяти штук;
  - ✓ медицинская справка Ф 086;
  - ✓ прививочный сертификат Ф 156/93-у;
  - ✓ рекомендация от преподавателя религиозного обучения либо от руководителя мечети (имама) расположенной по месту жительства абитуриента.
- Прием документов с 1 июня по 17 августа.



**Наш адрес:** г. Махачкала, ул. Дахадаева, 136  
тел.: 8 (8722) 67-55-08

**Баян баву**

2011-ку шинал октябрь зурул 9-нний Махлачкъалаливсса Сайфуллагъ-Къадиал цланийсса мизитраву биклантаиссар Къуръан буккаврил ва динналул аслурду клушиврул конкурс.



Душварал ва оърчлал дянивсса конкурсру биклантаиссар личиличину;

Конкурсраву диклантаиссар шанна номинация:

1. Чак («Намаз – опора религии» тлисса луттирайн бувну);
2. Динналул аслурду («Основы религии» тлисса луттирайн бувну);
3. Къуръан (Муаьллиму сани);

Конкурсраву гуртту хъун бюхъайссар дуклаки оърчлаца ва 25-ра шинал оърмулувун бияннинсса жагьилтураца.

Цалчинми клантту бувгуминнан диклантаиссар арцуйнусса бахшиш-ру:

- 1-мур клану – 10000 къуруш;
- 2-мур клану – 5000 къуруш;
- 3-мур клану – 3000 къуруш;

Цалчинмий клантту бувгусса оърчлал муаьлимтуран – 5000 къуруш;

Цлухху-бусу бан бюхъантиссар ва номерданийхчлин:  
8-988-291-27-13;

**Зума къадургъуну личлаврхсса фидья (аьчла, штраф) щин булун аьркинссар?**

Фидья (600 гр. къалмул) мискинтуран ва факьиртуран дакъа дулун къабучиссар, цайминнан закат багъайсса бунугу, фидья дулун къабучиссар. Фидья дулун ялувссар хъунав хъуну унутий зума къариртсса инсаннай, хъин дан къашайсса цлцлаву дусса инсаннай. Мукунсса фидья ялувссар лякълуву оърчл бусса хъамитайпаллий, ягу оърчл ккуккулий бусса ниттий, оърчлал цллул-сагъшиврун нигъчлаву дунутий зума къадургъусса. Мукунма ца оьзру бакъанува, Рамазан зуруй къариртсса зума хъиривмур Рамазан барз бучаннин хъирив къалархъсса инсаннайгу ялувссар. («Мугъни-аль-мухлтаж»).

**Оърчлал цала арцу лякъин хъанай бухъурча, миннахлу закатуль-фитр буттал булун аьркинсарив?**

Балугъравун бувхсса оърчлал зума ритаврил къини ва хъиривмур хъхъуну дуканмур лякъин бюхълай бухъурча, буттай миннахлу закат булун ялув бакъассар. Аммарив, буттан ччарча оърчлахлу закатуль-фитр булун, мунахъ ихтияр дуссар оърчлая изнугу лавсун булун.

**Рамазан зурул 30-сса къини «гъунтгийсса къини Рамазан зурул къини духъурча зума дугъан нийят дуллай ура» - кусса нийят дурну зума дугъан бучиссарив?**

Мукунсса нийят дуван бучиссар. Мукун дургъусса зумагу хлсавссар му къини Рамазан зурул къини духъурча. («Фатхлул-Аьллам»)

**Закатуль-фитр члун къадирну дунура булун бучиссарив?**

Имам аш-Шафизнал мазгъабрайн бувну закатуль-фитр булун бучиссар Рамазан зурул цалчинмур хъхъуния байбивхъуну. Имам Абу Хланифанал мазгъабрайн бувну ацра шинал хъхъичгума булун бучиссар. Имам Маликлул ва Имам Ахлмалдул мазгъабирттайн бувну зума ритаврил къини дучлан ца ягу клива гъантлул хъхъичл булун бучиссар. («Фатхлул-Аьллам»).

**Бучиссарив зума дургъусса члумал сивак ишла дан?**

Зума дургъусса члумал сивак ишла дан бучиссар, амма аххтайн чак бувну махъ ишла дурну къахъинссар.

**Майрава оь бачирча зума зия шайссарив?**

Къашайссар.

**Рузнама**

**Сентябрь**

Къини	Къюрххил чак	Баргъ буккаву	Ахттайн чак	Ахттакъун чак	Марклаган чак	Хъатлан чак
1	4:35	6:11	12:56	16:35	19:28	21:00
2	4:37	6:12	12:55	16:34	19:27	20:58
4	4:39	6:14	12:55	16:32	19:23	20:54
6	4:42	6:16	12:54	16:30	19:20	20:49
8	4:45	6:18	12:53	16:27	19:16	20:45
10	4:47	6:21	12:53	16:25	19:13	20:41
12	4:50	6:23	12:52	16:23	19:09	20:37
14	4:53	6:25	12:51	16:20	19:06	20:33
16	4:56	6:27	12:50	16:18	19:02	20:29
18	4:58	6:29	12:50	16:16	18:58	20:25
20	5:01	6:31	12:49	16:13	18:55	20:21
22	5:03	6:34	12:48	16:11	18:51	20:17
24	5:06	6:36	12:48	16:08	18:48	20:14
26	5:08	6:38	12:47	16:05	18:44	20:10
28	5:11	6:40	12:46	16:03	18:40	20:06
30	5:13	6:43	12:46	16:00	18:37	20:02

**ДУАЬ**

**Нюжмар чаклил хъирив дуккайсса дуаь**

Аллагъумма я гъанийю, я хламиду, я мубдиу, я муэду, я рахлиму, я вадуду. Агънина бихлалялика аьн хларамика ва битлааьтика аьн маьсиятика ва бифазлика аьмман сивака